



FONDACIJA  
TUZLANSKE  
ZAJEDNICE

Darujte zajednici, darovali ste sebi!

20  
*godina*

**slavimo  
filantropiju**

Tuzla, septembar 2023.



# Impressum

**Izdavač:**

Fondacija tuzlanske zajednice

**Za izdavača:**

Jasna Jašarević

**Uredila:**

Amila Čitaković

**Tekst pripremili i lektorisali:**

Fondacija tuzlanske zajednice

**Dizajn:**

Goldenscreen studio Sarajevo

**Tiraž:**

elektronska verzija

Fondacija tuzlanske zajednice 2022.

Sva prava zadržana

**Kontakt:**

Pozorišna 13,75 000 Tuzla

Bosna i Hercegovina

Tel: +387 35 362 830

Tel/Fax: +387 35 362 831

E-mail: [fondtz@fondacijatz.org](mailto:fondtz@fondacijatz.org)

Web: [www.fondacijatz.org](http://www.fondacijatz.org)

FREUDENBERG  
STIFTUNG



Stavovi iskazani u ovoj publikaciju isključivo odražavaju mišljenje izdavača i ni u kom slučaju ne predstavljaju stavove donatora koji su podržali naš rad i kreiranje ove publikacije.

# Contents

|   |    |
|---|----|
| Poruka menadžmenta .....                          | 5  |
| Zasnivaju se lokalno, razvijaju se globalno ..... | 7  |
| Velike promjene počinju sa malim koracima .....   | 9  |
| Otvoreno obrazovanje za razvoj zajednice .....    | 10 |
| Kreiranje ekosistema za razvoj filantropije ..... | 13 |
| 20 godina u brojevima .....                       | 15 |
| Program za mlade .....                            | 18 |
| Program otvorenog obrazovanja .....               | 21 |
| Program razvoja zajednice .....                   | 26 |
| Program filantropije .....                        | 29 |
| Programski i institucionalni razvoj .....         | 31 |
| Finansijski izvještaj .....                       | 32 |
| Udruživanje donacija .....                        | 33 |

# Poruka menadžmenta

## Darujem zajednici koju volim

**Pod motom "Darujem zajednici koju volim", zajedno s drugim filantropskim organizacijama u Evropi, ove godine, 2023. obilježićemo i u Bosni i Hercegovini Evropski dan donatora i fondacija, 1. oktobar.<sup>1</sup>**

U godini kada obilježavamo svoj značajan jubilej, 20 godina od osnivanja Fondacije tuzlanske zajednice, sretni smo da ćemo, u partnerstvu s nekoliko udruženja i fondacija, po prvi put u Bosni i Hercegovini, obilježiti dan koji slavi filantropiju. U Tuzli, Travniku, Kakanju, Bijeljini, Sarajevu i Konjicu biće organizovani kulturni događaji i manifestacije u cilju promocije filantropije. Promovisat ćemo ljudе koji čine dobročinstvo i ništa ne traže zauzvrat, ali i aktivnosti koje uspješno realizuju organizacije civilnog društva za dobrobit svih.

Čini nam se, da su se, za Fondaciju tuzlanske zajednice, sve kockice posložile!

Krajem avgusta 2023., nekoliko dana prije nego što ćemo završiti pisanje ovog specijalnog izdanja Godišnjeg izvještaja za 2022., održali smo i jubilarnu 100.-tu, svečanu sjednicu Upravnog odbora. Okupili smo uži krug osnivača, volontera, partnera i članova<sup>2</sup> tima, kako bismo se zajednički podsjetili na dan osnivanja, naše osnivače i dugu listu volontera koji su bili uključeni u naš upravni odbor, građanske komisije, radne i zagovaračke grupe, konferencije, forme, istraživanja. Svima dugujemo veliku zahvalnost i ovim putem im odajemo priznanje za posvećenost, podršku i vjerovanje u viziju koju smo imali tada, prije 20 godina.

Mnogo je aktivnosti i projekata koje smo pokrenuli, realizovali, ali i podijelili sa drugima da ih nastave samostalno razvijati. Trudili smo se da budemo inovativni, da donesemo nove modele rada u zajednici. Učili smo od iskusnih organizacija i fondacija iz drugih zemalja, kako da pomognemo mladima u post-ratnom društvu, kako da motivišemo građane da se zauzmu za sebe i svoja prava, kako da otvoreno razgovaramo, diskutujemo i govorimo o malim i velikim nepravdama i izazovima koje želimo riješiti u našim zajednicama.

Koliko god to bilo neobično za nas u civilnom sektoru, s obzirom da nikada ne znamo da li ćemo osigurati sredstva za svoj rad, mi smo postavili visoke standarde rada od samog osnivanja. Sve to u želji da postanemo snažna organizacija koja će da opstane i "živi" vječno, baš u duhu svake ozbiljne fondacije u svijetu. Radili smo odgovorno, zakonito i transparentno pod budnim okom članova Upravnog odbora, posvećenih volontera i filantropa.

Uposlenicima smo stvorili ugodno i profesionalno radno okruženje, bez obzira na to da li smo imali samo dva člana tima ili njih 20, kao što je to slučaj danas. Svi su bili motivisani da uče, razvijaju se i jačaju svoje vještine i znanja u korist naše plemenite misije. Uvijek su bili spremni da testiraju nove pristupe, primjene savremene metode rada, uključe se i predano rade sa volonterima, ali i vrijedno dokumentuju sva naša teoretska i praktična znanja. Zajedno smo kreirali bogatu projektnu arhivu koju ostavljamo kao vrijedno nasljeđe mladim generacijama koji će nastaviti našim stopama. Zahvalni smo svima u timu i našim volonterima, jer bez njih ne bismo uspjeli.

Danas smo prepoznatljivi u cijeloj Bosni i Hercegovini po svom jedinstvenom načinu rada sa građanima svih generacija. Veliki broj njih smo okupili oko najljepših ljudskih vrijednosti, ljubavi i dobročinstva, demokratije i poštivanja ljudskih prava, solidarnosti i brige o ranjivim kategorijama, očuvanju životnog okruženja.

Bilo je uspješnih i manje uspješnih godina, borili smo se sa iznalaženjem sredstava za finansiranje projekata i uposlenika. I danas je tako. Svakodnevno se trudimo da opstanemo, ali smo prihvatali da je to život bez obzira na to u kojem sektoru radili.. Nama je važno da smo ostali posvećeni jednom cilju, a to je podrška građanima u BiH da žive dostoјanstveno i da nikada ne odustaju od osnovnih postulata građanskog društva.

U narednom periodu želimo nastaviti izgradnju zadužbine za budućnost i filantropskih fondova za podršku civilnom sektoru.

1 "Building Tomorrow Together"

2 U cijeloj publikaciji, množina riječi koja se odnosi na osobe, pisana je muškom rodu, ali se odnosi na oba spola i osobe koje su drugačije izjašnjavaju.

Povezivaćemo se sa svima koji dijele naše vrijednosti i koji svoju energiju, entuzijazam, znanje, iskustvo i novac usmjeravaju na dobročinstvo. Sa njima ćemo nastaviti darivati za mjesto koje volimo, mjesto u kojem živimo i u koje se vraćamo, bez obzira na to gdje nas je život odveo.

U okviru našeg svečanog jubileja, i ove godine smo se odlučili za dodjelu nagrade "Filantropsko srce" koju želimo uručiti najprije našim dugogodišnjim članovima upravnog odbora, ali i pojedincima i preduzećima koji svoj život posvećuju filantropiji. Dodijeljene nagrade će imati i svoj sjajan epilog kroz jedinstvenu kampanju pod nazivom „Ljudi filantropskog srca”, u okviru koje smo tokom 2023., pronašli divne priče o filantropiji širom Bosne i Hercegovine. Njihove priče će ostati zabilježene u medijskom i virtualnom prostoru da šire plamen dobročinstva dalje i da budu inspiracija drugima.

Partnerstva koja smo ostvarili s novim lokalnim građanskim fondacijama koje su u osnivanju, ali i s drugim organizacijama civilnog društva koje sa nama učestvuju u USAID Snaga lokalnog projektu "Naša zajednica je naša odgovornost", će nam biti dodatni podsticaj da ostanemo odlučni u stvaranju boljeg ambijenta za održivost civilnog sektora kroz razvoj filantropije.

Neka naše partnerstvo sa vama i svim građanima dobre volje potraje još dugo u duhu istinskih vrijednosti demokratije.

Hvala vam na saradnji i dobročinstvu koje činite u svojoj zajednici!



**Amir Azabagić**  
Predsjednik Upravnog odbora



**Jasna Jašarević**  
Direktorica

# Zasnivaju se lokalno, razvijaju se globalno

## Koncept građanskih fondacija živi više od 110 godina

Lokalne građanske fondacije<sup>3</sup> koje se još nazivaju i Fondacije za razvoj zajednice<sup>4</sup>, poseban su oblik udruživanja građana za dobrobit društva.

Imaju brojne zajedničke karakteristike, ali i pored toga ne postoje dvije potpuno iste fondacije. Sve su oblikovane lokalnom tradicijom, istorijom i kulturom, kako bi zadovoljile potrebe lokalnih zajednica u kojima djeluju. Prilagodljivost koncepta građanskih fondacija je upravo ono što čini ovaj model podrške razvoju društva, kontinuiranim, održivim i nadasve opravdanim.

Kao neprofitne organizacije koje se finansiraju iz različitih donatorskih i javnih izvora i koje „vraćaju“ i investiraju novac u geografsko područje u kojem djeluju, najčešće u obliku bespovratnih „grant<sup>5</sup> sredstava, građanske fondacije su institucije utemeljene na određenom geografskom području od strane lokalnih ljudi, usmjerene na razvoj zajednice, bez obzira koji naziv ili definiciju koristimo (Mazany & Perry 2014).

Njih dodatno karakteriše postojanje građanskih komisija koje učestvuju u procesu odlučivanja, sveobuhvatne su u demografiji kojoj služe, nepolitičke su i djeluju na način koji potiče transparentno i odgovorno poslovanje (Sacks 2000).

Građanske fondacije su 2014. godine proslavile i stogodišnjicu postojanja, s obzirom da je prva građanska fondacija osnovana u Sjedinjenim Američkim Državama početkom 20. stoljeća u Clevelandu, Ohio. Njen osnivač, Frederick Goff, lokalni bankar i poduzetnik, smatra se začetnikom ovog modela fondacije (Sacks 2014).

## Globalni rast u posljednjih 30 godina

Ljudi širom svijeta oduvijek su pokazivali svoju humanu narav, dajući svoje vrijeme, znanje i novac za dobrobit zajednice i njenih najranjivijih članova. Većina ovih filantropskih davanja dešava se spontano, kao reakcija na krizne situacije, i često su neformalna i neposredna. Ipak, ona mogu poprimiti struktuiran oblik, tako što se pojedinci odluče osnovati filantropske organizacije, koje rade na poboljšanju uslova življenja u zajednici putem prikupljanja, upravljanja i distribuiranja filantropskih sredstava i resursa u društveno korisne svrhe. Na ovaj način, filantropsko djelovanje pruža dugoročniji i održiv pristup zadovoljenju potreba zajednice.

3 Buergerstiftung se sa njemačkog prevodi kao Fondacija građana

4 Community Foundation se sa engleskog prevodi Fondacija za razvoj zajednice

5 Grant predstavlja sumu finansijskih sredstava koja se bespovratno dodjeljuju od strane donatorske organizacije ili vlasti s jasnim pravilima dobijanje i utrošak

- 2.juni 2003. 18 građana Tuzle osnovalo Fondaciju građana Simin Han kao prvu „community“ fondaciju u BiH.
- Uspostavljena saradnja sa Freudenberg fondacijom (Njemačka).
- Sjedište Fondacije je renovirani Agora Centar za promociju aktivizma i otvorenog obrazovanja.
- Uspostavljen prvi Fond za građanske inicijative u Simin Hanu.



- Osnovana prva Lokalna grupa za razvoj zajednice Simin Han
- Osnovan prvi Odbor Omladinske banke.
- Mladi učestvuju u odlučivanju o podršci inicijativama mladih kroz Fond za mlade.



- Fondacija mijenja naziv u Fondacija tuzlanske zajednice i širi područje djelovanja na Općinu Tuzla.
- Uspostavljena saradnja C.S. Mott Fondacijom (SAD) s ciljem promocije filantropije.
- Uspostavljen Fond Volim Tuzlu za podršku građanskim inicijativama u Tuzli, a kasnije je preimenovan u Fond Volim svoj grad za podršku aktivistima u civilnom sektoru širom TK.



Jedan od najbrže rastućih oblika organizirane društvene filantropije u svijetu danas su upravo – građanske fondacije. Prema **ECFI izvještaju** iz 2022., u Evropi danas djeluje preko **850 „community“ fondacija u 22 zemlje**.

Danas u svijetu djeluje preko **1500** ovakvih fondacija, koje, svaka na sebi svojstven način, grade vitalne i perspektivne zajednice, ruku pod ruku sa aktivnim građanima.


## Prva građanska fondacija u BiH

Fondacija tuzlanske zajednice je prva građanska fondacija u Bosni i Hercegovini, osnovana 2003. od strane građana Tuzle. Podršku za svoje osnivanje je dobila od njemačke fondacije „Freudenberg“ kroz inicijativu "Youth Empowerment Partnership Programme"<sup>6</sup>. Iako je osnovana uz podršku donatora izvana, proces osnivanja je bio pokrenut od strane lokalnih ljudi, koji su mobilizirali lokalna sredstva za osnivački kapital.

Bez obzira što se finansira uglavnom od strane međunarodnih donatora, s obzirom da tek 15 % sredstava dolazi od lokalnih pojedinaca i preduzeća, te lokalnih i kantonalnih budžeta, Fondacija tuzlanske zajednice je istinska građanska fondacija, koja okuplja veliki broj aktivnih građana, volontera i aktivista sa zajedničkim ciljem da učine nešto dobro za svoju zajednicu i poboljšaju uslove življena.

Vremenom se oblikovala u snažnu lokalnu resursnu organizaciju, spremnu da posveti vrijeme i uloži znanje i sredstva za podršku civilnom sektoru i aktivnim građanima. Kako je u početku, kao inovativan model rada, postala važan agent promjena u izazovnom okruženju, koje je još uvijek osjećalo posljedice rata, tako danas predstavlja kredibilnog partnera u kreiranju javnih politika i pokretanju inovativnih projekata za pružanje podrške organizacijama civilnog društva u Tuzlanskom kantonu i cijeloj Bosni i Hercegovini.

6 Youth Empowerment Partnership Program se prevodi kao Partnerski program osnaživanja mladih koji se realizuje međunarodno, a više informacija se nalazi na linku YEPP



- Uspostavljena saradnja sa MIOS Tuzla i osnovan **Fond za razvoj otvorenih škola** iz kojeg je do 2021. podržano 75 školskih projekata.
- Uspostavljena saradnja sa **Unga Ornar organizacijom** (Švedska) s ciljem promocije demokratije i uključivanja mladih.

- Fondacija se priklučila **Referentnoj grupi Tuzla** i vodi Radnu grupu s 15 organizacija mladih
- Zajedno su realizovali istraživanje potreba mladih i kreirali prvi Načrt Strategije za mlađe u Tuzli.

- Započeo projekt Organiziranja zajednice u Gradu Tuzla sa građanima u Simin Hanu, Gornjoj Tuzli, Solini, Tušnju i Husinu.
- Uspostavljen **Fond za aktivne zajednice** za podršku inicijativama u rubnim naseljima.

2006.  
2007.  
2008.

# Velike promjene počinju malim koracima

## Prvi korak započinje dobrom vizijom

Prije 20 godina, potreba za pozitivnom promjenom ohrabrla je pojedince u malom predgrađu Tuzle, Simin Hanu, da se udruže i sinergijskim djelovanjem pokrenu sistemske promjene u društvu.

Te 2003. godine, prvi put u Bosni i Hercegovini pred šezdeset građana, predstavljena je ideja o osnivanju fondacije građana koja bi razvijala programe za razvoj lokalne zajednice. Ideja o osnivanju ovog jedinstvenog modela građanske fondacije, razvijena je u projektnom timu njemačke Freudenberg fondacije tokom 2002. Njega su činile Monika Kleck, program direktorka, Jasna Jašarević i Vera Đezić kao projekt koordinatorice i volonterski član tima, Osman Hasić, tadašnji direktor OŠ „Simin Han“. Samo nekoliko mjeseci poslije, 2. jula 2003. godine, osamnaest građana Tuzle je potpisalo osnivački akt kojim je zvanično registrovana Fondacija građana Simin Han, te je kasnije, 2005., preimenovana u Fondacija tuzlanske zajednice (u daljem tekstu Fondacija).



„Fondaciju smo osnovali s idejom da nas sve nadživi i da u javnom interesu radi na neograničeno vrijeme. Jako sam ponosan da i nakon 20 godina radi odgovorno, zakonito, stručno i efikasno, uživajući povjerenje i građana i donatora“. Marko Kovačević, osnivač Fondacije

„Naša vizija je bila da građanima kroz Fondaciju prenesemo koncept u kojem je dar zajednici, ustvari dar samom sebi“. Monika Kleck, osnivačica i savjetnica Fondacije.

## Snaga malih građanskih inicijativa

Demokratski razvoj Bosne i Hercegovine je veliki izazov, danas kao i prije 20 godina. Građani trebaju više podrške da bi ostvarili svoja građanska prava, ali i da bi stekli građanske kompetencije za uključivanje u demokratski razvoj svoje zemlje.

Vodena misijom da ohrabi građane za aktivno uključivanje u društveni i ekonomski život lokalnih zajednica, to je Fondacija razvila čitav niz efikasnih programa koji spajaju teoriju i praksu, neformalno obrazovanje i praktično djelovanje u zajednici. U protekla dva desetljeća, u edukativnim programima za odrasle, djecu i mlade učestvovalo je preko 3000 ljudi iz Tuzle i Tuzlanskog kantona. Treninzi za organizatore zajednice, za omladinske liderе i filantropе, poduzetnike i projekt koordinatore su uvijek kombinovani s primjenom naučenih znanja u praksi.

Uz edukacije, Fondacija je već od prve godine osnivanja, osnovala i fondove za podršku građanskim inicijativama. U proteklim godinama, sufinansirano je preko 2000 građanskih inicijativa, koje su implementirali, ali i sufinansirali građani. Njih preko 35.000 organizovano su djelovali kroz građanska udruženja i aktivističke volonterske grupe iz Tuzle i Tuzlanskog kantona. Svi sa istom vizijom i željom da mjesto u kojem žive učine boljim.

- Fondacija otvara glavnu kancelariju na adresi Pozorišna 13, Tuzla
- Realizovana prva kampanja za prikupljanje sredstava „**Darujete zajednici, darovali ste sebi**“
- Ostvarene prve saradnje sa 20 preduzeća i više od 100 pojedinaca.

- Osnovana **Organizacija Osmijeh za osmijeh** kroz projekt Mali lideri u zajednici.
- U narednim godinama **Osmijeh za osmijeh** educira djecu do 14 godina o vrijednostima demokratije, jednakopravnosti i tolerancije.
- Fondacija učestvuje u osnivanju **UG „Agora“**, koje nastavlja nekomercijalne programe otvorenog obrazovanja za više od 1000 ljudi godišnje.

- Uspostavljen memorijalni **Fond za dodjelu nagrade „Osman Hasic“** za školska sportska društva.
- Uz podršku njemačkog **BMZ-a** uručena **medicinska oprema i ambulantno vozilo Domu zdravlja Tuzla** za usluge njege starih i bolesnih osoba u Simin Hanu.



# Veliki potencijal u partnerstvima

Iako je finansijska podrška za građanske inicijative bila uvek najvidljiviji i, čini se, najpotrebniji program za civilni sektor u Tuzlanskom kantonu, od samog osnivanja pa do danas, Fondacija je nastojala biti više od donatora. Male građanske inicijative su redovno praćene, a učesnici istih savjetovani da jačaju partnerstva u zajednici i da kroz međusektoralnu saradnju postanu veće i značajne razvojne inicijative. Pored podrške drugima, Fondacija je razvijala i vlastite razvojne inicijative i programe, udružujući značajna sredstva od međunarodnih donatora sa sredstvima i resursima iz javnog sektora na lokalnom nivou.

Tako su nastale inicijative za kontrolu populacije pasa latalica, podršku omladinskom sektoru i kreiranje strateških i akcionih planova za podršku mladima, podršku uključivanju i integraciji ranjivih grupa u zajednici, ali i program sanacije šteta od poplava, kao i podrška ranjivim grupama nakon pandemije Covid 19. Kroz partnerstva sa javnim i poslovnim sektorom, nastojala je Fondacija pokrenuti društveni i finansijski kapital, te zajednički doprinijeti poboljšanju kvalitete življenja u tuzlanskoj regiji.



Tamo gdje su **potrebe građana i zajednice najveće**, tamo je i **Fondacija tuzlanske zajednice** odlučna da pruži prilike za pronašetak kvalitetnih i trajnih rješenja za probleme na lokalnom nivou, posebno probleme marginaliziranih grupa u manje razvijenim i zapostavljenim zajednicama Tuzlanskog kantona.

## Uključivanje mlađih

Dugoročni razvoj zajednice i njen prosperitet u budućnosti nije moguć bez ulaganja u mlade u sadašnjosti. Zato se Fondacija opredjelila da veliki dio svojih programa prilagodi mlađima. Mlađi su uključeni u procese donošenja odluka i ohrabreni da se aktivno uključe u razvoj zajednice kroz neformalne grupe i omladinske organizacije. Više od 1000 mlađih se uključilo u program Omladinske banke, koji je 2004. godine započeo s jednim odborom, a danas je funkcionalno njih pet u Tuzlanskom kantonu. Ovaj program, ali i projekti "Djeca u akciji" i Multifunkcionalna kuća za mlađe "Labirint" su otvorili nove prilike za razvoj mlađih kao odgovornih pojedinaca i budućih lidera omladinskih organizacija, institucija i omladinskog sektora uopšte. Osnaženi mlađi lideri su osnovali organizaciju "Osmijeh za osmijeh", ali i druge omladinske inicijative i organizacije.

## Otvoreno obrazovanje za razvoj zajednice

Neraskidivo vezana za aktivne građane i kreiranje prilika za njihov rast i razvoj kroz neformalno obrazovanje, Fondacija je kreirala edukativne programe prema potrebama ljudi u aktivnim zajednicama. Neki od ovih programa nastavili su se razvijati neovisno od Fondacije, ali uvek uz njenu bezrezervnu podršku.

- Uspostavljen interventni **Fond solidarnosti** na inicijativu prvog predsjednika i počasnog člana UO dr. **Ekrema Jusufovića**.
- Volonteri i lideri u zajednici učestvuju na međunarodnim **YEP** razmjennama u Makedoniji, Njemačkoj, Rumuniji, Portugalu i Hrvatskoj.
- Fondacija širi područje djelovanja i na druge općine Tuzlanskog kantona.
- Fabrika Bony doo Tuzla osnovala **Fond „Vitalis“** za stipendiranje sportskih talenata u Gradu Tuzla.
- Dodijeljene stipendije za talentovane mlađe tuzlanske sportiste iz različitih sportova (karate, košarka, stoni tenis, plivanje i bicikлизам).

# Mreža aktivnih zajednica

Kako bi odgovorila na brojne potrebe u malim, zapostavljenim naseljima, koje se često odnose na osnovnu komunalnu infrastrukturu, ali i nedostatak društvenih sadržaja, u Fondaciji su primjenili inovativan model organiziranja zajednice, koji u fokus stavlja jačanje kapaciteta lokalnih lidera. Kroz edukacije i praktičan rad sa građanima u mjesnim zajednicama i naseljima, oni postaju uspješni organizatori zajednice, inicijatori saradnje i pozitivnih promjena u svojoj zajednici.

Krenuvši u početku od tuzlanskih naselja Simin Han i Gornja Tuzla, dobra iskustva i prakse u organiziranju zajednice, prenijela su se u više od trideset mjesnih zajednica Tuzlanskog kantona. U 2014., ove organizovane zajednice su se udružile u posebno Udruženje pod nazivom **Mreža aktivnih zajednica**, koja danas uspješno provodi model organiziranja zajednice za rješavanje brojnih lokalnih problema. Fondacija i dalje redovno osigurava savjetodavnu i finansijsku podršku ovom sestrinskom udruženju.

## Agora centar

Svjesni da rast i razvoj zajednice mora ići ruku pod ruku sa stvaranjem prilika za učenje i sticanje novih vještina, to se koncept otvorenog obrazovanja razvijao pod okriljem Fondacije od samog osnivanja. Iste godine, u saradnji s gradskim vlastima u Tuzli i stranim donatorima, Fondacija je investirala sredstva za renoviranje društvenog centra u Simin Hanu, gdje je pokrenut projekat pod nazivom „Agora centar“. Uspješan model rada otvorenog centra u zajednici, sa jakim uporištem u stvarnim potrebama građana za informisanjem, učenjem i saradnjom, preuzeo je udruženje građana „Agora“. Kao jedinstven društveno-edukativni centar za otvoreno obrazovanje i cjeloživotno učenje, Agora je uspješno nastavila organizovati aktivnosti u Centru sve do 2017. godine. Nakon toga, kada ugovor s gradskim vlastima nije obnovljen, Agora je nastavila svoje aktivnosti u drugim prostorijama. Iskusno i edukovano osoblje Agore, danas organizuje programe za obrazovanje odraslih, te pruža podršku drugim društvenim centrima da razviju programe neformalnog obrazovanja prema potrebama građana. Fondacija tuzlanske zajednice, kao jedan od osnivača Agore, nastavlja pružati savjetodavnu i finansijsku podršku ovom udruženju.

## Društveni centar Kiseljak

U rubnoj zajednici Kiseljak, nadomak Tuzle, Fondacija djeluje od 2015. godine. Sve svoje inkluzivne pristupe u radu s građanima, ranjivim kategorijama društva objedinila je u Društvenom centru Kiseljak, koji je izgrađen na inicijativu mještana, uz finansijsku podršku međunarodnih donatora. Danas je ovaj centar srce zajednice u kojoj, za niz kompleksnih problema, rješenja zajedno traže građani, institucije i organizacije civilnog društva.

Fondacija je u tom smislu kohezivni element koji je u ovoj zajednici ranije nedostajao, a Društveni centar je inkluzivno mjesto u kojem se svakodnevno održavaju brojne edukacije uskladene s potrebama građana, ali i različite društvene i kulturne aktivnosti, koje organizuju mještani i druge organizacije civilnog društva.

- Osnovan namjenski **Fond za Dom za djecu bez roditeljskog staranja Tuzla** od strane **Jesuit European Volunteers**, koji i danas podržava veliki broj donatora.
- Osnovana **UG Mreža aktivnih zajednica**, koja nastavlja provoditi Model organiziranja zajednice u 25 mjesnih zajednica u TK sa preko 400 volontera.
- Putem **Fonda za saniranje šteta od poplava** izdvojeno 130.000 KM za 571 osobu za sanaciju šteta na infrastrukuri i poljoprivredi.
- Iz **Fonda za podršku društvenim centrima** adaptirano je 20 društvenih domova u TK.
- Građani Doknja osnivaju dobrovoljni filantropski **Fond Dokanj u srcu i duši** i saniraju društveni dom i lokalni vodovod.

2014.

2015.

# Centar za demokratiju i aktivno građanstvo

U proteklih dvadeset godina, prostor za razvoj i djelovanje građanskog sektora se stalno sužavao, što zbog nepovoljnog političkog ambijenta, što zbog ekonomskih, društvenih i ekoloških kriza, koje uvijek rezultiraju nedostatkom finansijske podrške za organizacije civilnog društva. Također, činjenica je i to da civilni sektor u Bosni i Hercegovini ne uživa povjerenje građana kakvo zaslužuje, iako organizacije civilnog društva stalno preuzimaju važne uloge u socijalnom sektoru i brinu o najugroženijim kategorijama stanovništva, posebno u kriznim situacijama i kada država zakaže.

Zbog toga su u Fondaciji bili odlučni u namjeri da se uključe, ali i pokrenu inicijative koje će poboljšati imidž civilnog sektora i vidljivost njihovih društveno korisnih projekata. Željeli su da se povežu s drugim organizacijama civilnog društva u Tuzlanskom kantonu i Bosni i Hercegovini kako bi zajednički jačali veze sa građanima, održali dijalog s drugim sektorima, te proširili programe neformalnog obrazovanja za lidera u civilnom sektoru koji nedostaju u Tuzlanskom kantonu, ali i cijeloj Bosni i Hercegovini.

Upravo iz ovih želja i motiva, rodila se ideja o uspostavljanju jedinstvenog Centra za demokratiju i aktivno građanstvo u Tuzli, čiju je gradnju Fondacija najavila 2023. Kao krunu svoga dvadesetogodišnjeg rada, željela je da kreira prostor u kojem će se njegovati pozitivne ljudske vrijednosti i principi demokratije. Planirano je da ovo mjesto bude dom i inspirativno okruženje za sve one koji filantropiju nose u srcu i koji žele biti nosioci pozitivnih promjena u svojim zajednicama. Novi centar će otvoriti prilike i za društvene inovatore koji stalno traže savremena rješenja za održiv i inkluzivan razvoj našeg društva.

- U sjećanje na prerano preminulu kolegicu **Angelinu Hodžić** uspostavljen Memorijalni filantropski fond **Drvо za Angelinu-drvo za prijatelja**.
- 1.000 sadnica drveća zasađeno u sjećanje na ljudе dobrog srca koji su nas prerano napustili.
- U saradnji s Ministarstvom obrazovanja i nauke TK i ZZJZ TK ugrađen sistem za filtraciju vode u 64 školska objekta u TK.
- Grupa mladih filantropa osniva dobrovoljni filantropski **Fond „Prometej“** za stipendiranje studenata Univerziteta u Tuzli.
- Usvojena **Strategija za mlađe Grada Tuzla za period 2017-2026**. U saradnji sa omladinskim organizacijama i Gradom Tuzla proces izrade strategije vodila Fondacija tuzlanske zajednice.
- S **Dogs Trust** fondacijom realizovan projekat humanog tretmana populacije uličnih pasa. Preko 20.000 učenika educirano na istu temu, te sterilizirano više od 23.500 pasa u TK.

# Kreiranje ekosistema za razvoj filantropije

## Filantropija je u svima nama

U Fondaciji tuzlanske zajednice su od prvog dana vjerovali da je razvoj filantropije ključna komponenta za napredak društva. Međutim, snaga filantropije se zanemaruje i podcjenjuje u svakom društvu, pa tako i u našem bosanskohercegovačkom.

Ljudi su danas isuviše okrenuti materijalnim vrijednostima. Ipak, znamo da se iskrena emocija ne može kupiti, niti prodati. S emocijom se rađamo i rastemo, ona nas formira i nosi kroz život. U trenutku našeg rađanja, prva naša emocija je upravo bila filantropija. Ljubav prema drugom ljudskom biću, u svom najljepšem i najčistijem obliku. Poklanjali smo je osmijehom i iskrenim pogledom punim dobrote, bez potrebe da tražimo nešto zauzvrat. To pokazuje da smo se svi rodili najprije kao filantropi i da nije teško vratiti to sjećanje i nastaviti njegovati vrijednosti dobročinstva.

## Filantropija povećava društveni kapital

Društveni kapital se povećava kroz filantropsko djelovanje. Veliki je broj primjera u svijetu i kod nas, onih koji su svoje bogatstvo, znanje i volonterski rad uložili za uspostavljanje različitih obrazovnih, vjerskih, društvenih i naučnih institucija i programa. Ovi primjeri pokazuju koliko je filantropija važna i povezana s ekonomskim rastom jednog društva, ali i koliko otvara mogućnosti za rješavanje kritičnih problema u društvu. Ona daje i nove perspektive razvoja društva, jer često ulaže u inovacije i rješenja koja će biti dugoročna i koja će osigurati bolju budućnost novim generacijama.

## Filantropija kao alat za društvene mreže

Kroz razvoj sistemskog okvira za filantropsko ulaganje i dobrovoljno društveno korisno djelovanje, veliki broj država, osiguravaju uslove da filantropija bude svršishodan alat za stvaranje pozitivnih promjena u društvu. To znači da ove države podstiču one koji imaju bogatstvo da više ulaze u zajednicu, odriču se dijela poreza da bi ostvarili dugoročna partnerstva za značajne socijalne programe, a onima koji su u potrebi za donacijama, olakšavaju proces iznalaženja sredstava za svoj društveno koristan rad.

U Bosni i Hercegovini, na žalost, ovakav okvir još uvijek ne postoji. Ipak, postoje dobri ljudi čija su djela potvrda tome da filantropija i dobročinstvo živi u našim gradovima, a vrijednosti koje ovi ljudi njeguju su oda društvu u kakvom želimo živjeti.

Zbog toga je za Fondaciju od ključnog značaja to što je dobila priliku uključiti se u aktivnosti koje imaju za cilj upravo stvaranje boljeg sistemskog okvira za filantropiju u Bosni i Hercegovini. U periodu od 2020-2025, ove aktivnosti će podržavati USAID BiH Snaga lokalnog, a implementirane će biti od strane Fondacije tuzlanske zajednice, Mreže za izgradnju mira, Instituta za mlade „Kult“, Fondacije Mozaik i Centra za građansku suradnju iz Livna.

- 31. maja održano prvo Filantropsko veče sa Tuzlankom Mayom Sar.
- Uspostavljena platforma za online grupno finansiranje projekata [Doniraj.ba](#).
- Uspostavljen **Fond za poduzetništvo** za podršku osnivanju i razvoju preduzeća. Podržano 100 prihodovnih aktivnosti, obrta i start-up-a sa 200.000 KM.
- Fondacija, donatori i Grad Tuzla svečano otvorili novi objekat **Društvenog centra Kiseljak**.
- Uspostavljen je **Fond Kiseljak** za podršku građanskim inicijativama. Izvršeno saniranje kultnog izvorišta kisele vode i brojni drugi projekti.

2018.

2019.



## Filantropijom jačamo solidarnost

Punih 20 godina, Fondacija povezuje aktivnosti civilnog sektora, poslovnog i javnog sektora kroz promociju filantropije. Pod istim krovom, zajednički radi tako da dobrovoljno darivanje usmjerava na podršku civilnom sektoru u tuzlanskoj regiji i cijeloj BiH.

Svake godine, broj lokalnih donatora koji podržavaju Fondaciju raste, a njihovo povjerenje se gradi kontinuirano, transparentnim i odgovornim radom, redovnim izvještavanjem i organiziranjem susreta s donatorima. U duhu solidarnosti i međusobnog uvažavanja, na kulturnim događajima i filantropskim večerama, afirmira se doprinos lokalnih donatora i rad organizacija civilnog društva za opštu društvenu korist. Svi zajedno slave filantropiju i rezultate građanskih inicijativa koje smo podržali, ponosni i sretni što su se udružili oko plemenitih ciljeva.

Ovakvi događaji pokazali su Fondaciji da u svojim nastojanjima nije sama. Riječi podrške i pohvale za ovakav model rada pristižu i od donatora i od aktivnih građana. To Fondaciju čini ponosnom i zahvalnom, ali i dovoljno skromnom da poruči da sve što je uspjela postići ne bi bilo moguće bez vrijednih aktivista iz zajednice i velikodušne podrške lokalnih i međunarodnih donatora, ali i lokalnih i kantonalnih vlasti koji su prihvatali saradnju na nekim od programa.

## Filantropija za održivost civilnog sektora

Dok se okreće prema budućnosti, najveća je odgovornost Fondacije da ostane blizu građanima, svjesna izazova sa kojima se oni suočavaju, uvijek spremna da pruži podršku u kapacitetima koje je do sada izgradila. Kroz svoje dosadašnje i nove aktivnosti, Fondacija nastavlja raditi na stvaranju boljeg ambijenta za demokratski razvoj lokalnih zajednica u Tuzlanskom kantonu, ali i na razvoju filantropije u Bosni i Hercegovini.

Posebno u okviru projekta „Naša zajednica je naša odgovornost“, kojeg podržava USAID-ov program Snaga lokalnog, dodatno će se angažovati u promociji veće transparentnosti i odgovornosti u radu organizacija civilnog društva, ali organiziranju kampanja za povećanje vidljivost filantropije u Bosni i Hercegovini.

U periodu od 2023-2025., Fondacija će se zauzeti za proširivanje mreže organizacija civilnog društva koje su odgovorne, pouzdane, osnažene, međusobno povezane i prepoznate od strane javnosti, vlasti i lokalnih donatora kao važnih aktera u razvoju ekosistema za filantropiju i održivost civilnog sektora u BiH.

- Putem interventnog **Fonda za saniranje posljedica pandemije korona virusa** pružena podrške zdravstvenim radnicima i građanima u potrebi.
- Fondacija uspostavlja saradnju sa Porticus fondacijom (Austrija) i **USAID BiH Snaga lokalnog Naša zajednica je naša odgovornost** za jačanje civilnog sektora i filantropije.
- Saradnja sa **Olof Palme Centrom i Folk High School iz Västerås (Švedska)** iznjedrlila je ideju o uspostavljanju Centra za aktivno građanstvo i demokratiju.
- Putem **Doniraj.ba** platforme preko 600 pojedinaca i preduzeća iz zemlje i dijaspora podržalo je realizaciju 10 kampanja za dobrobit zajednice.
- Kampanjom **“Za moje sretnije djetinjstvo”** renovirale prostorije štićenica Doma za djecu bez roditeljskog staranja u Tuzli.



# 20 godina u brojevima

## 20 godina podrške inicijativama građana za bolje uslove življenja:



## 20 godina podrške uključivanju mladih u procese donošenja odluka:



## 20 godina uspješne saradnje sa filantropima iz zemlje i inostranstva:



- Drugo Filantsko veče sa Tuzlankom Mayom Sar, okupilo je 200 ljudi, filantropa i prijatelja Fondacije tuzlanske zajednice.
- U okviru Dekade zdravog starenja, pružena podrška osobama treće životne dobi kroz **Fond za podršku Mreži aktivnog starenja TK**.
- Fondacija i Grad Tuzla započeli pripreme za gradnju **Centra za demokratiju i aktivno građanstvo**.
- Uspostavljen dobrovoljni filantski **Fond "Mensur i Jasmina Alić"**
- U okviru kampanje **Ljudi filantskog srca** po prvi put u BiH organizovani **Dani filantropije u BiH**.





# **GODIŠNJI IZVJEŠTAJ ZA 2022. GODINU**

# II 2022 u brojevima



**740 588 KM**  
ULAGANJA U  
ZAJEDNICU



**146**  
PODRŽANIH  
PROJEKATA I  
INICIJATIVA U  
ZAJEDNICI



**89 457 KM**  
VRIJEDNOSTI  
VOLONTERSKOG RADA



**99 272 KM**  
UČEŠĆE  
AKTIVISTA



**550 051 KM**  
VRIJEDNOST  
ULOŽENIH  
SREDSTAVA FTZ

## Snaga je u ljudima



**5 085**  
OSOBA

SE UKLJUČILO  
U FTZ AKTIVNOSTI



**2 752**  
OSOBA

SE UKLJUČILO  
U REALIZACIJU  
PODRŽANIH INICIJATIVA



**37 676**  
OSOBA

IMA KORIST OD  
POKRENUTIH INICIJATIVA

**9**

PODRŽANIH PODUZETNIČKIH  
INICIJATIVA POKRENULE SU  
ŽENE



**579**  
OSOBA

SU DONIRALE ZA PODRŠKU  
LOKALnim INICIJATIVAMA



# Program za mlađe

U Programu za mlađe realizovana su dva projekta za mlađe: Omladinska banka, koji finansira Njemačko ministarstvo za ekonomski razvoj i spoljnu saradnju (BMZ) i Freudenberg fondacija, te „Mladi nosioci društvenih promjena kao poduzetnici”, koji je finansirala Evropska unija kroz „BY LEAP” program, kojeg implementira Youth Achievements iz Srbije i Munja inkubator iz BiH.

Nastavilo se i sa finansijskom podrškom kroz Fond za mlađe, odakle je sufinansirano 14 projekata, kao i sa stipendiranjem studenata Univerziteta u Tuzli kroz filantropski Fond „Prometej”, odakle je dodijeljeno 8 stipendija. Institucionalna podrška je dodijeljena Organizaciji za djecu i mlađe „Osmijeh za osmijeh” za razvoj omladinskog liderstva, te omladinskoj organizaciji „Mladi Tuzle” za razvoj tek osnovane Srednje Savremeno-umjetničke škole Tuzla.

## Omladinska banka

U okviru Programa Omladinske banke (OB) sa radom je nastavilo pet Odbora OB u koje su se uključili mlađi sa područja cijelog Tuzlanskog kantona. Tokom jednogodišnjeg mandata mlađi su imali priliku učiti o zajednici u kojoj žive, potrebama i problemima mlađih, demokratskom donošenju odluka i drugim sadržajima usmjerenim na svestran razvoj mlađih i njihov jači društveni angažman.

**114 mlađih učestvovalo je programu 16 edukativnih radionica za mlađe u 5 Odbora Omladinske banke**



**Gloria Brkić**  
koordinatorica Regije Centar



„Volontirala sam u mnogo organizacija, ali tek kad sam se angažovala u Omladinskoj banci pronašla sam sebe. Kad sam došla u OB, stekla sam samopouzdanje, jer moje ideje su postale bitne. Zavoljela sam sebe, ali sam stekla i vještine organiziranja i komunikacije, socijalne vještine i upoznala sam mlađe i inspirativne ljude. Mnogo sam bogatija za ovo iskustvo“.



**Elma Gazetić**  
koordinatorica Regije Zapad

„Iskustva koja sam stekla u radu sa vršnjacima promijenila su moj život i otvorila vrata u svijet prilika za mlađe koji nisam znala da postoji. Bila sam tiha i povučena, nisam ni znala imam li potencijala ili ne, ali kroz rad u Fondaciji i Omladinskoj banci sam postala osnažena mlađa žena koja zna šta želi, koja prepoznaje prilike i koja zna da mora uložiti trud da ih iskoristi. Uz OB sam razvila svoje komunikacijske i prezentacijske vještine, osnažila i izgradila sebe u segmentima u kojima sam smatrala da je gotovo nemoguće“, kazala je ova asistentica.





## Ljetni kamp na Uni za skoro stotinu mladih osoba

Na Omladinskom kampu održanom u avgustu 2022. godine u Bosanskoj Otoci, na rijeci Uni, mlađi su razgovarali o načinima djelovanja u oblasti očuvanja okoliša i brige o prirodi. Dodatno su učili o lokalnoj filantropiji i namicanju sredstava iz lokalnih izvora. Na kampu je učestvovalo **82** mlađih članova i članica OB.



**Kanita Husović**  
članica Odbora Regije Zapad



„Ovo je nevjerojatno. Omladinska banka je nešto što svakoj mlađoj osobi treba. Kroz program koji je vrlo temeljit možete naučiti puno toga. Spoznati sebe i upoznati druge. Na ovaj način mlađima se pruža prilika da nauče kako djelovati unutar svoje lokalne zajednice. Svaka generacija mlađih ima ideje, želju i volju unijeti promjene u okruženje, jer sa modernom tehnologijom jednostavno se nameće potreba za promjenom. Upravo zbog toga ovaj kamp ima važnu ulogu. Biti u prirodi prilika je da istu upoznamo kako bi je znali čuvati“.



**Haris Šahdanović**  
član Odbora Regije Zapad

„Kamp je nadmašio sva moja očekivanja! Od prijateljice koja je ranije bila u Omladinskoj banci sam čuo mnogo toga o OB-u i generalno o kampu, ali poseban je osjećaj to doživjeti. Iskustva koja mi je tada prepričavala su razlog zbog kojeg sam se i sam odlučio pridružiti ovoj sjajnoj ekipi. Naučio sam dosta toga o filantropiji, što ne vjerujem da bih samostalno igdje imao priliku naučiti ili pročitati. Raduje me što su mi roditelji bili podrška u ovoj mojoj avanturi, što su me ohrabrili da dođem u kamp i zabavim se u sigurnom okruženju.“



### Priznanje „Junak/junakinja svoje zajednice 2022“ su dobili:

- Udruženje mlađih žena „Girl THing“, za izuzetan doprinos razvoju i osnaživanju mlađih;
- Dina Bajrektarević, za izuzetan doprinos razvoju i osnaživanju mlađih;
- Virgin Pulse BiH, za izuzetan doprinos razvoju i afirmaciji mlađih;
- Udruženje „Mladi Tuzle“, za najbolje implementirani projekat u 2022. godini;
- Edi Hukić, za izuzetan volonterski angažman u radu Omladinske banke u 2021. godini.
- Konferencija Omladinske banke „Youth Inspiration Academy“

U decembru 2022. godine održana je konferencija za mlade u okviru koje su dodijeljena priznanja pojedincima, udruženjima i preduzećima koji su kroz svoj volonterski i društveni angažman, te finansijsku podršku dali izuzetan doprinos razvoju mladih. Pored toga, učesnici konferencije su imali priliku da učestvuju u interaktivnim edukativnim radionicama koje su vodili iskusni aktivisti, edukatori i motivatori. Na konferenciji je učestvovalo 65 mladih.

## Projekat u okviru BY LEAP programa za mlade

Od 1. januara do 30. septembra 2022. godine FTZ je implementirala projekt „Mladi nosioci društvenih promjena kao poduzetnici“. Kroz projekat se uključilo više od 200 mladih ljudi, koji su društveno angažovani i koji kreiraju promjene u svojim zajednicama i razvijaju poduzetnički duh kod mladih. Organizovane su edukacije za vršnjačke lidere iz partnerskih organizacija u sljedećim oblastima: poduzetništvo, jačanje ličnih vještina, marketing, te promocija i javni nastup.

Završni događaj pod nazivom „Biznis kafa“ održan je u septembru sa iskusnim panelistima, poduzetnicima u društvenom i ekonomskom sektoru: Senaid Đozo, izvršni direktor fondacije Impakt, Adem Azapagić, profesor, trener i mentor za poduzetništvo i Almir Paočić, direktor Centra za edukaciju i obrazovanje. Projekat je realizovan kroz partnerstvo s Inkubatorom društvenih inovacija MUNJA, Sarajevo, a u okviru Programa „Mladi na Balkanu“: povezivanje obrazovanja, sposobnosti i potencijala za partnerstvo u praksi regionalnog zapošljavanja (BY LEAP) koji je podržan od Europske komisije. Tokom realizacije projekta, voditelji BY LEAP programa su u januaru organizovali treninge za koordinatorje projekta u Beogradu i Tirani.

## Sistemski podrška mladima

U avgustu 2022. potpisana je Ugovor sa Ministarstvom za sport, kulturu i mlade TK za podršku projektu „Omladinska banka“. Pored edukativnih radionica, u okviru projekta je obilježen Međunarodni dan mladih (12.8.), te je sufinansirana Konferencija Omladinske banke. Međunarodni dan mladih je obilježen u omladinskom caffeu „Sloboda“ u Tuzli, gdje je upriličeno druženje mladih iz svih dijelova TK. Kao dio programa organizovane su i posjete gradonačelnicima u nekoliko gradova TK. Tokom tih posjeta, mladi su predstavili probleme s kojima se susreću u zajednicama, te prenijeli poruku o potrebi većeg ulaganja u mlade kako bi se stvorio afirmativan ambijent u kojem će mladi željeti da ostanu.



## Finansijska podrška mladima i omladinskim organizacijama



# Program otvorenog obrazovanja

**Neformalne edukacije koje je Fondacija tuzlanske zajednice organizovala u 2022. godini su bile usmjerenе na jačanje kapaciteta organizacija civilnog društva, jačanje kapaciteta pojedinaca, ali i pružanje podrške radu društvenih centara koji rade po principima otvorenog obrazovanja i provode edukacije za građane prema njihovim potrebama.**

## Edukacija lidera u civilnom sektoru za osnažene OCD

Radionicama „Upravljanje i razvoj članstva“ i „Informisanje javnosti i odnosi s medijima“ organizovanim u martu 2022. prisustvovalo je 14 predstavnika organizacija civilnog društva koji rade sa osobama treće životne dobi, ženama i mladima. Obje radionice su ponudile praktične tehnike i alate za osmišljavanje strategije razvoja članstva i načine promocije udruženja u zajednici. Radionice su realizovane u okviru projekta “Borba protiv pandemije Covid 19 kroz filantropiju i solidarnost” finansiranog od strane Balkan Trust for Democracy, kao i projekta German Marshall Fund-a SAD-a i USAID-a.

“

**Fuad Okanović  
Mreža aktivnog starenja TK**

„Uticaj pandemije na osobe treće životne dobi bio je zaista velik, a posljedice nesagledive. Smatram da nam je ovakav vid edukacije bio neophodan da bismo u narednom periodu uspješno realizovali svoju kampanju za namicanje sredstava i nadam se, našim članovima pružili neophodnu podršku i pomoći. Svako se sa izazovima pojedinačno nosio onako kako je najbolje znao, ali mi kao Mreža želimo biti resurs, mjesto okupljanja i organizacija koja je dovoljno jaka da pruži konkretnu podršku“.sigurnom okruženju.“



## Trening “Razvoj i pisanje projektnog prijedloga”

Cilj treninga je bio osnažiti aktiviste u civilnom sektoru TK, kako bi jačali svoje organizacije i ustanove u ovoj oblasti. Polaznici su bili predstavnici javnih ustanova, udruženja i neformalnih grupa građana, a trening je realizovan u okviru USAID aktivnosti projekta – „Naša zajednica je naša odgovornost“.

“

**Adila Delić**

**Udruženje roditelja djece s poremećajem iz autističnog spektra “Izazov”, Gračanica**

„Prijavila sam se kako bih naučila pisati projektne prijedloge, te saznala kako da apliciram na javne pozive određenih javnih ustanova. Mi imamo ideje za neke projekte koje ne možemo realizirati bez pomoći i ova edukacija mi je pomogla da naučim kako da adresiramo svoje projekte prema određenim ustanovama, koje bi nam onda pomogle da ih realiziramo“.

# Trening "Uvod u strateško planiranje organizacija civilnog društva"

U okviru dvodnevnog treninga, učesnici su naučili osnovne elemente procesa strateškog planiranja, SWOT analizu, definisanje misije, vizije i ciljeva organizacije, te strateškog plana kao dokumenta kojim se definišu osnovni pravci djelovanja organizacije. Trening je realizovan u okviru projekta „Inkluzivni razvoj zajednice Kiseljak, za unaprjeđenje socijalno ekonomskog aspekta života građana, posebno Roma”, finansiranog od strane Freudenberg fondacije i Njemačkog ministarstva za ekonomsku saradnju i razvoj (BMZ).



## Mentorski program za jačanje OCD

U 2022. godini je kreiran program mentorstva za jačanje kapaciteta OCD s ciljem podrške organizacijama da svoj rad učine dugoročno održivim, transparentnim i prepoznatljivim u lokalnoj zajednici. Interes za mentorsku podršku iskazalo je devet OCD iz različitih programa podrške u FTZ: UG „Izvor“ Škabovica Gračanica, UG „Mreža nenasilne komunikacije“ Tuzla, UG „GirlTHing“ Tuzla, UG „1. maj Hrvati“ Lukavac, UG „BAUM“ Banovići, UG „Žena-ženi“ Kladanj, UG „Oska Tunel“, UG „Početak“, UG „Compas“.

**Selma Teparić**  
članica Mreže nenasilne komunikacije

„Okrenuli smo se Fondaciji tuzlanske zajednice i dobili bezrezervnu podršku. Nije to bila samo prilika da nas se vidi u gradu, u zajednici, nego smo dobili i neprocjenjivo znanje oko pisanja i pripreme projekata i svih drugih stvari bitnih da bi naše udruženje živjelo. Kroz procedure koje Fondacija godinama provodi i usavršava, mi smo naučili kako treba raditi ukoliko se želi izrasti u respektabilno udruženje“.

## Edukacije iz poduzetništva

S ciljem jačanja poduzetničkih vještina građana na području TK, realizovana je edukacija za 16 učesnika i učesnica o osnovama poduzetništva, poslovnog planiranja i razvoja poslovnog plana. Nakon edukacije, 7 kandidata je izradilo poslovni plan za svoju poduzetničku ideju, a finansijska podrška za realizaciju poslovnih planova je odobrena za četiri poduzetnika iz TK. Edukacija i finansijska podrška su realizovane u okviru projekta „Naša zajednica je naša odgovornost“ koji finansira USAID kroz program Snaga lokalnog.

**Amela Šabić**  
vlasnica biznisa “Dnevna soba” iz Gračanica

„Bila sam oduševljena predavanjima i odmah mi je bilo jasno da je edukacija koju smo dobili neprocjenjiva i da je vjerovatno ne bismo sami mogli sebi priuštiti. Edukacija mi je otvorila neki novi svijet, o kojem nisam znala puno, a koji je bio pun novih mogućnosti za mene, koja sam htjela ostvariti svoj san. Bio je to dodatni vjetar u leđa koji je otklonio sve sumnje u uspjeh“.



# Edukacije iz poduzetništva u MZ Kiseljak

Ista edukacija je organizovana i za 32 učesnika i učesnice s područja MZ Kiseljak. Realizovane su i stručne radionice na temu proizvodnje voća i povrća u plastenicima, peradarstva, svinjogojsztva, ovčarstva i govedarstva, ali i neformalnog tretmana sekundarnih sirovina. Svi učesnici su dobili podršku stručnog mentora u izradi poslovnog i finansijskog plana za svoju prihodovnu aktivnost ili poslovnu ideju. Čak 28 učesnika je finaliziralo poslovni plan, koji je razmatran za finansijsku podršku Fondacije tuzlanske zajednice..



**Nermin Mujić**  
poduzetnik iz MZ Kiseljak



„Uskoro planiram da registrujem štand pijačne prodaje pošto se time bavim već duže vrijeme, pa se na edukacijama u Društvenom centru polako pripremam za to. Sva nova znanja koja sam stekao ovdje su od velike koristi i samo će mi biti od pomoći u budućnosti“.

## Društveni centri kao generatori zajednice Društveni centar Kiseljak (DC Kiseljak)

Fondacija upravlja Društvenim centrom u MZ Kiseljak (Grad Tuzla) s ciljem razvijanja obrazovnih, inkluzivnih, socijalnih, ekonomskih, kulturnih i drugih uslova za dobrobit svih građana u ovoj zajednici. U kratkom vremenu od njegovog uspostavljanja 2021. godine Društveni centar Kiseljak je postao centralno mjesto u MZ Kiseljak u kojem se održavaju mnogobrojne aktivnosti i sadržaji za sve kategorije stanovništva.

U 2022. godini, Društveni centar Kiseljak je koristilo **379 građana**, odnosno **10 OCD, 4 javne institucije i 2 neformalne grupe građana**.

Upravljanje Centrom Kiseljak se realizuje kroz projekat „Inkluzivni razvoj zajednice Kiseljak, za unaprijeđenje socijalno ekonomskog aspekta života građana, posebno Roma“ kojeg finansijski podržava Freudenbergs fondacija i Ministarstvo za ekonomsku saradnju i razvoj SR Njemačke.



**Erna Ferhatović**  
učenica srednje škole



„Rado i često dolazim u Centar kako bi se družila sa drugom djecom i mladima. To je mjesto gdje stičem nova znanja i iskustva, a učim i iz tudiših iskustava. Volim učestvovati na radionicama za djecu i mlade gdje učimo i kreativno se izražavamo, što mi mnogo pomaže i u formalnom obrazovanju.

Volim pomagati drugima, a često i drugi pomažu meni. Tako je nedavno grupa ljudi vezanih za Centar kroz razgovor pomogla meni i mojim roditeljima da se bolje razumijemo i oni su pristali da se upišem u srednju frizersku školu što sam oduvijek željela“.

# Za svakoga ponešto

## Dodatne edukacije u DC Kiseljak

- Edukacija građana za održive zajednice;
- Edukacija "Održivi razvoj i primarna selekcija otpada";
- Trening „Održivi razvoj u svakodnevnom životu“;
- Radionice za jačanje životnih vještina žena kroz klub za žene;
- Informativne sesije o zdravim životnim stilovima;
- „Afterschool program“ – dodatna nastava za djecu za savladavanje školskog gradiva;
- Savjetovalište iz oblasti socijalne zaštite, zdravstva i obrazovanja;
- Radionice o negativnim efektima maloljetničkih brakova.

### Realizovane su brojne neformalne edukacije za građane MZ Kiseljak tokom cijele godine

Na radionicama organizovanim s ciljem povećanja šansi za zaposlenje, 37 polaznika je učilo kako upravljati konflik-tima, kako napisati biografiju/CV, motivaciono pismo, te kroz praktične vježbe kako se predstaviti poslodavcu. Tri osobe su aplicirale na posao, a jedna osoba je dobila zaposlenje. Kroz kurs engleskog jezika, koji je trajao 45 časova, prošlo je 17 učesnika. Kroz kurs informatike je prošao 21 polaznik, a kurs opismenjavanja 6 polaznica. Obuku iz slastičarstva je prošlo 9 učesnica.



**Vesna Marjanović**  
domaćica

„

„Oduvijek sam voljela praviti kolače i torte, ali nikada nisam bila zadovoljna dekoracijama koje sam pravila. Na kursu iz slastičarstva naučila sam kako koristiti novi pribor za rad, kako izrađivati figurice od fondana i generalno kako ukrašavati torte i kolače. Sve što sam naučila sam počela primjenjivati, tako da sam još za vrijeme trajanja kursa prodala svoju prvu tortu. Ova obuka mi je bila korisna, jer se i dalje planiram baviti izradom i dekorisanjem torti“.

### Pedagoška radionica u Društvenom centru Kiseljak


Pedagoška radionica je model koji Fondacija provodi u saradnji sa Međunarodnim udruženjem Interaktivne otvorene škole (MIOS) Tuzla i Freudenberg fondacijom. Cilj ovog modela je uključivanje i zadržavanje, najprije Romske djece i mladih u obrazovnom procesu tako da nijedno dijete ne bude izuzeto iz obrazovnog procesa niti da bude zapostavljeno tokom školovanja. S ovim ciljem u Društvenom centru Kiseljak se provode sljedeće aktivnosti:

Biblioteka  
igraćaka



24

Biblioteka knjiga  
u Društvenom  
centru



Radionice za  
školsku djecu:  
Engleski jezik i  
informatika



Radionice  
za školsku  
djecu: Briga o  
zdravlju zuba i  
stomatološki  
pregledi



20 GODINA SLAVIMO FILANTROPIJU

# Društveni centar Simin Han

Zbog neriješenih imovinsko-pravnih odnosa na objektu Društveni centar Simin Han, kao i zbog problema sa vodovodnim i kanalizacionim sistemom u objektu, objekat su u 2022. godini povremeno koristili MZ Simin Han i građanska udruženja koja borave u Simin Hanu, poput Udruženja penzionera i Aktiva žena Simin Han. Ugovor o upravljanju centrom sa Gradom Tuzla, Fondacija tuzlanske zajednice nije potpisala ni ove godine, tako da su aktivnosti u Društvenom centru Simin Han smanjene, a prostorije je povremeno koristilo UG Agora za održavanje sastanaka Lokalne grupe za razvoj Simin Han. Ostale aktivnosti iz oblasti neformalnog obrazovanja, koje je UG Agora obavljala ranijih godina, su prebačene u njihove prostorije u centru Grada Tuzla.

Pored ovih aktivnosti, UG Agora je nastavila saradnju sa sindikatima obrazovanja, zdravstva i trgovine u TK. Za njihove trenutne i potencijalne članove organizovane su edukacije i forumi na teme „Aktivizam kao stil života“ i „Aktivna žena za aktivnu zajednicu“, a realizovana je i digitalna kampanja „Rad po mjeri čovjeka“.

Tokom 2022. godine Fondacija je, zajedno s partnerima Međunarodni Olof Palme Centar i Institut za razvoj mlađih „Kult“, pružala mentorsku podršku u jačanju organizacijskih kapaciteta UG Agora. S tim u vezi, usvojeni su novi interni pravilnici i procedure, te unaprijeđene prakse u oblasti administracije i finansijskog poslovanja.

**U okviru saradnje sa Kultom, Agora je dobila status „Pozitivnog partnera“ i status „Pozitivna promjena“, jer je pokazala napredak i povećanje indeksa povjerljivosti i transparentnosti organizacije, te pri procjeni organizacijskih performansi (POP). Time je Agora ocjenjena kao jedna od tri najbolje organizacije koje su učestvovalo u ovakvoj procjeni.**

## Podrška radu u UG Agore na provedbi edukativnih aktivnosti u zajednici

Edukativni programi UG Agora u 2022. godini su bili usmjereni na jačanje kapaciteta mlađih, kroz edukacije, mentorstvo i volonterski rad. Kao rezultat toga, 1 od 12 mlađih osoba koje su bile angažovane tokom godine je pronašlo zaposlenje ili plaćeni honorar.

Nastavljena je i realizacija subvencioniranih kurseva za šire građanstvo, te su realizovana 4 kursa na kojima je učestvovalo 25 osoba.

### Vedrana Dautović projektna asistentica Udruženja građana Agora

„Godinama unazad svjedoci smo mnogobrojnih benefita koje je neformalno obrazovanje donijelo našim korisnicima. U saradnji sa Fondacijom smo, na osnovu potreba samih mještana, osmisili program koji građanima Kiseljaka pruža upravo ona znanja koja im u svakodnevnom životu nedostaju. Na ovaj način ćemo doprinijeti jačanju kompetencija korisnika iz ranjivih kategorija, ali i povećanju svijesti o važnosti obrazovanja i cjeloživotnog učenja, za što se Agora upravo i zalaže.“



“

## Finansijska podrška u okviru programa otvorenog obrazovanja



**89 211 KM**  
ULOŽENO U PROGRAM  
OTVORENOG  
OBRAZOVANJA

**1 710 KM**  
PODRŠKA MAZ  
CENTRU

**23 972 KM**  
PODRŠKA DRUŠTVENOM  
CENTRU KISELJAK

**11 390 KM**  
ULAGANJE FTZ U  
IZGRADNJU CENTRA  
ZA DEMOKRATIJU  
I OTVORENO  
GRAĐANSTVO

# Program razvoja zajednice

Fondacija je nastavila da pruža finansijsku, organizacionu i savjetodavnu podršku aktivnim građanima i organizacijama civilnog društva u realizaciji konkretnih inicijativa koje doprinose razvoju zajednice.

U okviru programa je nastavljena saradnja sa strateškim partnerom „Mrežom aktivnih zajednica“ (MAZ), koja je nastavila sa implementacijom Modela organiziranja na nove zajednice u TK, koji je razvijen prije 15 godina.

Najveći dio aktivnosti u ovom programu je realizovan uz podršku Njemačkog ministarstva za ekonomski razvoj i saradnju (BMZ) kroz projekat „Demokratsko i ekonomsko osnaživanje nerazvijenih zajednica TK“ (2018–2022), Porticus Fondacije iz Austrije, kao i USAID-ovog programa Snaga lokalnog u okviru realizacije projekta „Naša zajednica je naša odgovornost“ (2020–2024).

## Organiziranje zajednice u saradnji sa Mrežom aktivnih zajednica

MAZ trenutno okuplja **23** zajednice iz osam općina i gradova TK, u rad Lokalnih grupa za razvoj (LGZR). U tim zajednicama je uključeno više od **112** različitih subjekata. Posebna pažnja stavljena je na saradnju sa mjesnim zajednicama i uključivanje predstavnika marginaliziranih grupa (mladih, žena, nacionalnih manjina, osoba sa poteškoćama u razvoju, itd).

Realizovane su ukupno **94** edukativne radionice i **205** sastanaka u MAZ zajednicama. Interes za uključivanje novih zajednica u TK postoji što pokazuje činjenica da se na poziv za prijem novih članica u 2022., prijavilo 18 zajednica iz TK.

### Realizovan forum na temu „Organizovana zajednica za održivi razvoj“.

U septembru 2022., u prostorijama Društvenog centra Kiseljak Tuzla, MAZ i FTZ su zajednički organizovali građanski forum na temu očuvanja prirode i brige o okolišu. Forum je okupio 32 predstavnika i predstavnice lokalnih grupa za razvoj.



### Džemila Agić

direktorica Centra za ekologiju i energiju, Tuzla



„Održivi razvoj mora ući u svaku porodicu, nevezano da li je to urbana ili ruralna zajednica. On ne znači samo odricanje, on znači promjenu razmišljanja prema svom novcu i resursima u okruženju. Moramo voditi računa o društvenom aspektu, ekonomskom razvoju, ali i okolišnom, a to je drugačiji odnos prema našem novcu, prema sredini, vodi, energiji, otpadu, komšijama, prema našoj djeci. Moramo živjeti tako da ne nanosimo štetu budućim generacijama i ne smijemo ostavljati veći ekološki otisak od onoga koji nam pripada.“

## Zaključci panela

· Mjesne zajednice (MZ) treba da naprave **mehanizam praćenja Strategije razvoja TK**, s posebnim akcentom na održivi razvoj i zaštitu okoliša, te prirodnih resursa.

· Svaka MZ treba da **odredi vlastite prioritete**, a FTZ je zainteresovana da **podrži realizaciju aktivnosti** koje su u skladu s ovim prioritetima.

- Na listi prioriteta u svim MZ su kompostiranje, **proizvodnja zdrave hrane i selektivno odlaganje otpada**.
- MZ trebaju ostvarivati **direktну saradnju** sa donatorima.
- Posebno u MZ Kiseljak potrebno je riješiti **status mineralne vode na izvoruštu Kiseljak**, kao i pitanje **nelegalnih montažnih objekata na obali jezera Modrac**

**MAZ kao organizacija od povjerenja.** U protekloj godini, MAZ je poduzeo značajne korake u polju jačanja organizacijskih kapaciteta. Na preporuku FTZ-a, osoblje i volonteri MAZ-a su se uključili u program jačanja kapaciteta koje provodi Institut za razvoj mladih „Kult“ u okviru USAID programa Snaga lokalnog. Kao rezultat tog procesa izrađen je Strateški plan za period od 5 godina, te izvršeno rebrendiranje organizacijskih vizuala.

## Razvoj mjesne zajednice Kiseljak (Grad Tuzla)

**Razvoj Mjesne zajednice Kiseljak zasniva se na sveobuhvatnom pristupu razvoju zajednice, koji podrazumijeva visok stepen međusektorske saradnje i uključivanje brojnih aktera u radna tijela i inicijative koje je potrebno efikasno koordinirati i povezati. Aktivnosti se realiziraju u skladu sa Strateškim planom za razvoj MZ Kiseljak i u saradnji s Lokalnom grupom za razvoj Kiseljak, te brojnim partnerskim organizacijama i institucijama u Gradu Tuzla.**

Zajedničke intervencije se rade u oblasti zaštite okoliša, unapređenja obrazovanja, socijalne zaštite i zapošljavanja.

Projekat se provodi uz finansijsku podršku Freudenberg Fondacije i Njemačkog ministarstva za ekonomski razvoj i saradnju (BMZ).

Važnu ulogu u razvoju zajednice ima Lokalna grupa za razvoj Kiseljak koja je članica Mreže aktivnih zajednica. Predstavnici lokalne grupe za razvoj Kiseljaka su u 2022. godini pokrenuli nekoliko inicijativa iz oblasti ekologije i održivog razvoja, od kojih je bitno istaći inicijative uređenja izvorišta pitke vode „Uređenje izvorišta Vručak“, projekat „Eko poen za eko zajednicu“, projekat „Sport i ekologija“, te projekat „Podrška malim poljoprivrednicima MZ Kiseljak u proljetnoj sjetvi“.

### Uvođenje primarne selekcije otpada u domaćinstva

U saradnji sa UG Centar za ekologiju i energiju, Tuzla nastavljena je podrška građanima za efikasnu selekciju otpada u domaćinstvima. Domaćinstva koja su u prethodnoj godini dobila kante za primarnu selekciju otpada imala su redovnu podršku i savjetovanje za poboljšanje selektiranja otpada, a dodatno je izrađen i distribuiran kalendar odvoza otpada od strane JKP Komunalac Tuzla. Organizovane su i edukativne radionice za gradane o kompostiranju biološkog otpada, nakon čega je **125** domaćinstava dobilo kompostere i priručnike za kompostiranje.

### Uspostavljanje sistema nadzora za održavanje čistoće i komunalnog reda

U saradnji sa stručnim saradnikom, dr. Tihomirom Knežićem, izvršeno je terensko snimanje i izrađen dokument „Analiza stanja deponija, te mogući koraci za rješavanje ovog problema“.

Dокумент uključuje popis i mapu deponija sa 63 lokacije na kojima nesavjesni građani odbacuju otpad. Kako bi se moglo pratiti nastajanje i status deponija kreirana je i posebna aplikacija te priručnik za korištenje i upravljanje bazom podataka ilegalnih deponija u MZ Kiseljak. Dokument je prezentiran predstavnicima gradskih nadležnih službi, partnerskim organizacijama koje djeluju na području MZ Kiseljak i predstavnicima građana, a krajem godine, JKP Komunalac očistio je dvije prioritetne deponije.

### Izrada analize stanja i aktivnosti saniranja kanalizacionog sistema

Nakon što je u prethodnoj godini uspostavljeno partnerstvo sa JKP „Vodovod i kanalizacija“ Tuzla, početkom 2022. godine izvršeno je terensko snimanje kanalizacione mreže u zajednici od strane konzultantata iz JKP VIK, te je sačinjen dokument i prezentiran predstavnicima JKP „Vodovod i kanalizacija“, Grada Tuzla, Savjeta MZ Kiseljak, te partnerskim organizacijama. Na osnovu tog dokumenta je dogovoren da Grad Tuzla napravi procjenu troškova izrade projektne dokumentacije za širenje kanalizacione mreže za cijelo područje MZ Kiseljak, dok FTZ s druge strane među građanima zagovara priključivanje objekata na kanalizacionu mrežu.

### Solidarnošću u borbi protiv posljedica pandemije

U periodu od 1. juna 2021. do 31. maja 2022. realiziran je projekat „Borba protiv pandemije Covid 19 kroz filantropiju i solidarnost“ s ciljem ublažavanja posljedica pandemije kod najosjetljivijih kategorija društva - mlađih, žena i osoba treće životne dobi. Pandemijska zdravstvena kriza istakla je sve nedostatke BiH javnog sektora osobito u segmentu zdravstvene i socijalne zaštite, te obrazovanja, a mlađi, žene i osobe treće životne dobi su bili naročito pogodjeni zdravstvenim rizicima, strahom, stresom i nesigurnošću. Organizacije civilnog društva su bile često jedine koje su im svojim volonterskim radom osiguravale različite vrste podrške, zbog čega su kroz ovaj projekat podržane kako bi se osnažile i povećale šanse za razvoj i održivost. Partnerske organizacije su kroz projekat povećale vidljivost u javnosti i uspostavile nova partnerstva sa lokalnim donatorima, pojedincima i kompanijama.

U okviru projekta, posebno je uspostavljena saradnja sa Zavodom za javno zdravstvo TK i Mrežom aktivnog starenja TK, u namjeri da zajedničkim djelovanjem ukažemo na značaj brige o osobama treće životne dobi, posebno u periodu trajanja UN Dekade zdravog starenja 2021-2030.

Mreža aktivnog starenja uspostavila je saradnju sa mnogobrojnim funkcionalnim mjesnim zajednicama, gdje su оформili tzv. „Inicijativne grupe aktivnog starenja“ širom TK.



Prepoznavši ovaj model djelovanja kao mogućnost za unaprijeđenje rada mjesnih zajednica, gradska uprava u Tuzli dala je podršku Mreži aktivnog starenja i njihovim aktivistima ustupila prostorije oslobođene zakupa i režija u mjesnim zajednicama.

Kako bi Tuzla u bližoj budućnosti bila proglašena prvim „age friendly“ gradom u BiH, Mreža aktivnog starenja je inicirala proces i učestvovala u izradi „Strategije za osobe treće životne dobi 2020.-2023.“, koja se trenutno implementira. U skladu sa ovom strategijom i potrebama Mreže aktivnog starenja, FTZ je pružila finansijsku podršku za 10 malih inicijativa u zajednicama širom TK. Projekat je realiziran uz podršku Balkan Trust for Democracy, projekta German Marshal Fonda SAD-a i USAID-a, te Ministarstva privrede TK, a dodatna sredstva za medijsku promociju Mreže aktivnog starenja su obezbjeđena od Ministarstva zdravstva TK.

## Finansijska podrška u okviru programa razvoja zajednice



**292 879 KM**  
ULOŽENO U PROGRAM  
RAZVOJA ZAJEDNICE



**180 898 KM**  
PODRŠKA FTZ



**57 617 KM**  
VOLONTERSKO  
UČEŠĆE



**52 555 KM**  
ULAGANJE FTZ U IZGRADNJU  
CENTRA ZA DEMOKRATIJU I  
OTVORENO GRAĐANSTVO



**26 7743**  
KORISNIKA



**1 555**  
UČESNIKA

# Program filantropije

U Fondaciji tuzlanske zajednice smo posvećeni razvoju i promociji kulture darivanja i uključivanju filantropa u organizovan razvoj zajednice, te su sve aktivnosti u okviru ovog programa usmjerene na povezivanje pojedinaca, preduzeća i drugih donatora kako bismo svi zajedno stvorili uslove za dugoročno pružanje podrške inicijativama i projektima za dobrobit cijele zajednice.

Na razvoj ovog programa u 2022. godini veliki uticaj je imao rat u Ukrajini, inflacija i poremećeni lanac snabdijevanja. Iako je, s obzirom na situaciju, rad na razvoju filantropije bio otežan, ukupan iznos prikupljenih sredstava iz lokalnih izvora i dijaspore u 2022. godini ipak je povećan za gotovo 20 hiljada KM u odnosu na prethodnu godinu i iznosio je 170.379 KM, dok je realizovano ukupno 11 kampanja za namicanje sredstava.



## Kampanja "Svaki dres svoju priču nosi"

Najuspješnija filantspska kampanja za namicanje sredstva bila je kampanja pod nazivom „Svaki dres svoju priču nosi”, koja je okupila više od 100 donatora koji su u periodu od oktobra do decembra 2022. godine putem online platforme doniraj.ba prikupili ukupno 52.294 KM. Kampanju je pokrenuo filantrop, kolezionar i sportista Sead Mulić uz podršku Fondacije i UKC-a Tuzla, na način da je na aukciju stavio vlastitu kolekciju od 120 dresova poznatih sportista, a novac kojim su otkupljeni dresovi doniran je za kupovinu aparata za mehaničku ventilaciju za Odjeljenje intenzivne terapije na Klinici za dječije bolesti UKC-a Tuzla.

Sead Mulić, inicijator kampanje

„Zakonski ne bih mogao sam izvesti ovu aukciju, bez obzira na želju i energiju koju imam. Obratio sam se Fondaciji tuzlanske zajednice i odmah smo sve dogovorili. Veoma mi je važno da se sve odvijalo otvoreno i transparentno. Fondacija mi je svakodnevno pružala podršku, a na platformi www.doniraj.ba svi koji su željeli mogli su uplatiti sredstva i pored aukcije dresova. To znači, da se svaki građanin mogao vrlo lako uključiti u prikupljanje sredstava za kupovinu aparata i tako pomoći“.





## Filantropsko veče "Darujem zajednici koju volim"

Kako bismo se približili novim, ali i održali kontakt sa postojećim donatorima i iskazali im zahvalnost za podršku dosadašnjim filantropskim kampanjama, 27. maja smo organizovali Filantropsko veče pod nazivom „Darujem zajednici koju volim”, tokom kojeg je prikupljeno oko 28.000 KM od skoro stotinu pojedinaca i predstavnika preduzeća. Sredstva su, između ostalih, raspoređena za podršku projektima „Sigurno dvorište za sigurnu kuću”, koje je implementiralo Udruženje građana „Vive žene”, projektu „21 kompetencija za 21. vijek” Savremene srednje umjetničke škole i Mladih Tuzle, te Fondu Prometej, iz kojeg je u ovoj godini stipendirano 8 studenata.

## Online platforma doniraj.ba

U ovoj izvještajnoj godini platforma Doniraj.ba je postala zanimljiva za projekte i inicijative različitih organizacija iz BiH, te je ostvarena saradnja sa organizacijama iz Sarajeva, Brčkog i Banovića. U 2022. godini je pokrenuto ukupno 11 online kampanja, od kojih je svaka uspješno završena. Platforma za online doniranje će biti u fokusu razvoja programa filantropije Fondacije, te je za 2023. godinu uspostavljena saradnja sa 15 organizacija koje žele pokrenuti kampanje za namicanje sredstava.

## Filantropija u bh. dijaspori

S ciljem promocije filantropije i kulture darivanja u BiH i svijetu, ostvarena je saradnja i sa inostranim organizacijama i fondacijama, tako da je 30 pojedinaca iz dijaspore doniralo iznos od 8.415 KM, što je još uvijek mali broj s obzirom na potencijal bh. dijaspore. Nastavljena je saradnja sa Zukunft Gestalten Bosnien organizacijom iz Njemačke, koja će u narednom periodu raditi na povećanju broja donatora u dijaspori.

## Finansijska podrška u okviru Programa filantropije



# III Programski i institucionalni razvoj

## Komisije za dodjelu grantova

U proces donošenja odluka o finansijskoj podršci inicijativama građana i organizacija civilnog društva, učestvovale su ukupno 143 osobe osobe raspoređene u 11 komisija. Članovi i članice komisija su građani različitih zanimanja, profesija, uzrasta i spola koji dobrovoljno i volonterski sudjeluju u donošenju odluka i odlučivanju u dodjeli sredstava tokom dvogodišnjeg mandata ili u slučaju komisija za mlade, koje imaju mandat jednu godinu. Proces donošenja odluka odvijao se transparentno, demokratski i po unaprijed utvrđenim kriterijima za svaki fond.

## Saradnja sa međunarodnim donatorima i vlastima

U 2022. godini, FTZ je održala saradnju sa dugogodišnjim donatorima, kao što su Freudenberg fondacija za period 2020-2023. i Međunarodni Olof Palme Centar za period od 2020-2023., koji se odnose na finansiranje opštih troškova FTZ-a.

Nastavljena je realizacija projekta inkluzije Romskog stanovništva na Kiseljaku, koju sufinansira Freudenberg fondacija i Njemačko savezno ministarstvo za ekonomski razvoj i saradnju, na period od 2021-2025. Isti donatori, odobrili su novi projekat pod nazivom „Jačanje civilnog društva i demokratske kulture u Tuzlanskem kantonu“ na period od jula 2022. do decembra 2025.

Projekat „Naša zajednica je naša odgovornost“, koji se realizuje uz podršku USAID-a od 2020. godine, ušao je u svoju treću godinu implementacije od oktobra 2022., te će u naredne tri godine fokus staviti na oblast filantropije. Saradnja na istoimenom projektu „Naša zajednica je naša odgovornost“, sa Porticus fondacijom iz Austrije završena je krajem aprila 2023. godine.

U aprilu 2022., završen je projekat „Solidarnošću i filantropijom u borbi protiv posljedica pandemije Covid-19“, koji je finansiran od strane Balkanskog fonda za demokratiju (Balkan Trust for Democracy). Također, u septembru 2023. godine je završen i projekat promocije poduzetništva među organizacijama mladih pod nazivom „Mladi društveni poduzetnici kao nosioci promjena“ koji je sufinansiran od strane Evropske unije kroz programa pod nazivom „By Leap“ (Balkan youth: Linking Education, Abilities and Partnership Potential in Regional Employment Practice).

U 2022. godini potpisana je Sporazum o saradnji i nastavljeni su pregovori s Gradom Tuzla u vezi gradnje Centra za demokratiju i aktivno građanstvo u Tuzli. Saradnja se realizuje u okviru novog projekta „Jačanje civilnog sektora i demokratske kulture u TK“. Kao dio ovog, ali i projekta „Naša zajednica je naša odgovornost“, u protekloj godini su potpisani i Sporazumi o saradnji sa drugim gradovima i općinama u TK, s ciljem jačanja građanskih inicijativa i udruženja, kao i demokratske kulture u TK. Radi se o sljedećim gradovima/općinama: Živinice, Srebrenik, Kalesija, Gradačac, Kladanj, Teočak, Lukavac, Čelić.

Saradnja sa Ministarstvom privrede TK koje je odobrilo sufinansiranje projekta podržanog od međunarodnog donatora „Solidarnošću i filantropijom u borbi protiv posljedica pandemije Covid-19“ završena je u decembru 2022., kao i saradnja sa Ministarstvom zdravstva TK i Zavodom za javno zdravstvo TK, na istom projektu.

# Finansijski izvještaj

| <b>RB</b>                 | <b>PRIHODI*</b>                             | <b>2021/KM</b>   | <b>2022/KM</b>   |
|---------------------------|---|------------------|------------------|
| 1.                        | Prihodi od međunarodnih donatora i partnera | 1.098.277        | 1.217.116        |
| 2.                        | Prihodi od pojedinaca i biznisa             | 77.867           | 76.915           |
| 3.                        | Prihodi iz budžeta                          | 39.425           | 48.459           |
| 4.                        | Članarine                                   | 0                | 0                |
| 5.                        | Ostalih prihodi                             | 2.497            | 7.509            |
| <b>UKUPNO PRIHODI (I)</b> |   | <b>1.218.066</b> | <b>1.350.000</b> |

| <b>RB</b>                          | <b>RASHODI*</b>   | <b>2021/KM</b>   | <b>2022/KM</b>   |
|------------------------------------|---|------------------|------------------|
| 1.                                 | Osoblje (neto plaće, doprinosi, ostala primanja)  | 386.836          | 472.840          |
| 2.                                 | Transport (gorivo, registracija, održavanje vozila)   | 15.577           | 26.297           |
| 3.                                 | Nabavka i održavanje opreme, softveri, baze podataka  | 11.408           | 26.497           |
| 4.                                 | Kancelarijski troškovi (k.mat., održavanje, osiguranje, itd)  | 10.036           | 18.165           |
| 5.                                 | Zakup kancelarije i režijski troškovi (VIK, EE, CG, tel, int.)  | 20.312           | 25.657           |
| 6.                                 | Usluge računovodstva, revizije, banka, pošta, itd   | 15.590           | 16.659           |
| 7.                                 | Ugovori o djelu i volonterski ugovori   | 52.331           | 81.012           |
| 8.                                 | Programski troškovi, servisi i usluge<br>(troškovi treninga, foruma, konferencija, štampa, medijske usluge)   | 83.259           | 85.969           |
| 9.                                 | Programi podrške kroz grantove i druge podrške<br>(grantovi i stipendije kroz tematske i filantropske fondove,<br>te kroz posebne inicijative i programe) | 615.221          | 586.172          |
| 10.                                | Ostali troškovi<br>(članstvo i mreže, studijske posjete, izgradnja kapaciteta)  | 7.495            | 10.728           |
| <b>UKUPNO RASHODI (II)</b>         |   | <b>1.218.066</b> | <b>1.349.997</b> |
| VIŠAK PRIHODA NAD RASHODIMA (II-i) |   | 0                | 3                |

\* Lista svih lokalnih i međunarodnih donatora se nalazi na kraju izvještaja

\*\*Lista rashoda prikazana prema programskom/projektnom budžetu

Revizorski izvještaj za 2022. godinu možete pogledati [OVDJE](#).

# Udruživanje donacija

## Međunarodni donatori

Freudenberg Stiftung Weinheim, Njemačka  
[www.freudenbergstiftung.de](http://www.freudenbergstiftung.de)

Federalno Ministarstvo za ekonomski razvoj i saradnju Savezne Republike Njemačke  
[www.bmz.de](http://www.bmz.de)

Olof Palme International Center, Stockholm, Švedska,  
[www.palmecenter.org](http://www.palmecenter.org)

United States Agency for International Development USAID  
[www.usaid.gov/bosnia](http://www.usaid.gov/bosnia)

Porticus Foundation  
[www.porticus.com](http://www.porticus.com)

The Balkan Trust for Democracy, Beograd, Srbija  
[www.gmfus.org/grants/balkan-trust-democracy](http://www.gmfus.org/grants/balkan-trust-democracy)

BY LEAP - Balkans Youth: Linking Education, Abilities and Partnership  
Potential in Regional Employment Practice, Beograd, Srbija  
[www.by-leap.com](http://www.by-leap.com)

Academy for the Development of Philanthropy in Poland  
[www.filantropia.org.pl](http://www.filantropia.org.pl)

Zukunft Gestalten Bosnien  
<https://zukunft-gestalten-bosnien.de/>

Un Bambino Per Amico  
[www.unbambinoperamico.org](http://www.unbambinoperamico.org)

## Domaći donatori

### LOKALNE SAMOUPRAVE I MINISTARSTVA

Ministarstvo za kulturu, sport i mlade TK  
Ministarstvo zdravstva TK

### DONATORI U KATEGORIJI GRAĐANSKIH UDRUŽENJA I GRUPA

UG Agora, MIOS/MIOC doo, Tuzla Dance Festival, UG RSD Sloboda, UG RK Sloboda Solana, UG Nahla, Rijaset Islamske zajednice Tuzla, Rijaset Islamske zajednice u BiH, Medžlis IZ Brčko, UG Žena Romkinja Bolja budućnost, Medžlis IZ Srebrenik, Medžlis IZ Odžak, TRAG Fondacija, UG Pozitiva, Džemal IZ Nahvioci, Građani Banovića, Grupa građana Tuzle, Igrači RK Sloboda, Klijentice i klijenti UG Viva žene, Maštaonica vrtić, Prijatelji iz Švicarske, RSD Sloboda, Sindikat organa Uprave Gračanica, Studenti i studentice 1.i 3.g Pravnog fakulteta Tuzla, Učenici i nastavnici OŠ Grivica, Učenici i profesori JU MS Ekonomsko hemijska škola Lukavac.

# Partneri i mreže

## JAVNI SEKTOR

Grad Tuzla, Općina Čelić, Općina Kladanj, Općina Kalesija, Grad Gradačac, Grad Lukavac, Općina Teočak, Grad Živinice, Grad Srebrenik, JZU Dom zdravlja "Dr. Mustafa Šehović", JU Osnovna škola Kiseljak, JZU Univerzitetски klinički centar Tuzla.

## CIVILNI SEKTOR

UG MAZ, Evanđeoska crkva, Udruženje žena Romkinja Bolja budućnost, Fondacija Stariji brat, starija sestra, Opšta ženska zadruga Bolja budućnost, UG Farmer Kiseljak, Udruženje Početak, Gorska služba spašavanja, Stanica Sarajevo, Fondacija Laila, UG Vive žene, UG Izvor Škahovica, Udruženje Mreža nenasilne komunikacije, Udruženje Mladi digitalci, Udruženje mladih Trik Kalesija, Udruženje mladih žena GirlTHing, UG 1. Maj Hrvati, Udruženje mladih Kompas, Omladinska udruga OSKU Tunel, Udruženje mladih Baum Banovići, Udruženje žena Žena-ženi Kladanj, Demokratski centar Nove Nade, Crveni križ Grada Živinice, KLIKA doo.

## OSTALI PARTNERI I MREŽE

Youth Empowerment Partnership Programme  
[www.yepp-community.org](http://www.yepp-community.org)

Folk High school Västerås Švedska

Europe foundation Centre (EFC)  
[www.efc.be](http://www.efc.be)

Canadian Network of Community Foundation  
[www.communityfoundations.ca](http://www.communityfoundations.ca)

ECFI  
[www.communityfoundations.eu](http://www.communityfoundations.eu)

OSCE Misija u BiH  
<https://www.osce.org/mission-to-bosnia-and-herzegovina>

TACSO - Technical assistance for civil society organizations  
[www.tacso.org](http://www.tacso.org)

Youthbank International  
[www.youthbankinternational.org](http://www.youthbankinternational.org)

Techsoup Balkans  
[www.techsoupbalkans.org](http://www.techsoupbalkans.org)

TRAG Fondacija Srbija  
[www.tragfondacija.org](http://www.tragfondacija.org)

Slagalica Osijek - Zaklada za razvoj lokalne zajednice  
[www.zaklada-slagalica.hr](http://www.zaklada-slagalica.hr)

Mreža za izgradnju mira  
[Mreža za izgradnju mira \(mreza-mira.net\)](http://Mreža za izgradnju mira (mreza-mira.net))

Fondacija Catalyst Balkans  
[www.catalystbalkans.org](http://www.catalystbalkans.org)

# Donatori – preduzeća, organizacije i mediji

## Generalni medijski pokrovitelji

RTV7, Tuzla; Centar za kulturu, Tuzla; Radio Kameleon, Tuzla.

## Generalni pokrovitelj fonda ili događaja, donacije preko 5.000 KM

Fabrika cementa Lukavac; NAM doo, Tuzla; JU Centar za socijalni rad, Tuzla; Un Bambino per Amico.

## Dijamantni donator, donacije od 2.000 KM do 3.000 KM

Menprom doo, Cestotehnik doo, EKI mikrokreditna fondacija, IRQ Design doo, Ledo doo, Sparkasse bank dd., Deling doo

### Zlatni donator, donacije od 1.000 KM do 2.000 KM

TERAKOP doo, MOLINARI obrt, UG Agora, Rijaset Islamske zajednice Tuzla, AZABAGIĆ poliklinika, GLIDE TECH doo, Rijaset Islamske zajednice u BiH, SENEX doo, POLO doo

ordinacija, Džemal IZ Nahvioci, Stomatološka ordinacija DEN, SAMN doo, Dr. Glušac stomatološka ordinacija, KLIMAINVEST doo, DREAM SAT doo, MIOS/MIOC doo, Učenici i profesori JU MS Ekonomsko hemijska škola Lukavac, Maštaonica vrtić, TUZLA DANCE Festival, INPROZ-INSTITUT doo, SEOS doo, TP DRINOVCI doo, Učenici i nastavnici OŠ Grivice, Medžlis IZ Srebrenik, ERAK-INVEST doo, BOSFOR STIL doo, MAMIĆ doo, SKENER doo, RENIX doo, KALAJAC COMERCE doo, DENIX doo, Medžlis IZ Odžak, GUMA M doo, TRAG Fondacija, Jedinstvena BH banka, Klijentice i klijenti UG Vive žene, SIMS Grafika or, CITYDEAL doo, Apoteka Đulović, KALA 2, A-STEEL doo, STUDIO BEUTY doo, UG POZITIVA, UniQue doo

### Srebreni donator (donacije do 500 KM)

Davorka Vilrella, Hajrudin Zulfić, Almir Dračić, Saliha Begić, Emir Suljkanović, Sabina S. Ćatibušić, Dajana Čelebić, Domagoj Gotovac, Edim Džambić, Jasna Jašarević, Damir Bećirović, Admir Šaković, Petar Žebić, Aida Knežević, Anesa Brkanović, Almir Mešić, Adnan Muhtarević, Adnan Sivac, Jasmin Jahić, Danijela Huremović, Tatjana Junuzagić, Marinko Mrkonjić, Haris Selmanović, Mirza Dževdetbegović, Boško Verčević, Elvir Bijedić, Vera Đezić, Danijel Ružić, Edin Avdukić, Amila Mimica Kunosić, Damira Ferizović, Burhan Limani, Kenan Elezović, Njegoš Ratković, Svjetlana i Senad Mujezinović, Omar Agić, Ljubiša Tešić, Adnan i Ajla Huremović, Ines Osmanović

### Bronzani donator (donacije do 200 KM)

Dominik Kovačić, Samir Bajramović, Zerina Heco, Chris Weier, Haris Zahirović, Samantha Griffin, Amina Muharemagić, Melika Mulaosmanović, Tarik Baraković, Milenko Bogičević, Filip Tudan, Edin Suljagić, Đurica Žarković, Sadžida Oručević, Maida Bećić, Ivica Vidović, Albina Beganović, Anamarija Divković, Vedran Stuhli, Nihad Kuduzović, Emir Suhonjić, Armin Alić, Denis Merdanović, Fikret Avdić, Jasmin Smajić, Nerma Sakić, Nina Šahbegović, Desley Miller, Lee and Christine Rush, Azra Bašić, Amila Čitaković, Mirza Mujezinović, Selma Memišević, Ismet Sokoljanin, Danijela Hribar Lukanović, Ana, Mensur, Mirna i Nermin Hodžić, Minel i Murveta Kikanović, Andrijana Čajić, Johan de Muelenaere,

### Srebreni donator, donacije od 400 KM do 1.000 KM

M&N Henry, Studenti i studentice 1.i 3. g Pravnog fakulteta Tuzla, Prijatelji iz Švicarske, Turčinović, ZAMM MEDIA CONSULTING doo, UNCRO doo, RADIX doo, INOMA doo, SKY CONCORD doo, BIG BEN Centar, EXPRES COURIER doo, Pčelica M doo, ZH ZOLA doo, Zavod za javno zdravstvo TK, INDUSTRIAL AUTOMATION doo, MURADBEGOVIĆ stomatologija, TEHNOGRAD doo, MIT-ALEX doo, Građani Banovića-bazar radova, SINDIKAT ORGANA Uprave Gračanica

### Bronzani donator, donacije od 200 KM do 400 KM

RSD Sloboda, OSCE Misija, UG RSD SLOBODA, Građani Banovića, GEOSDB doo, UG RK SLOBODA SOLANA, BELLAVITA obrt, Medžlis IZ Brčko, Odjel za brak i porodicu, Čeperković stomatologija, UG Bolja budućnost, OFF-SET doo, Klika doo, MADI doo, HERCEG doo, TELIX doo, EKO ŽIVOT doo, LUXOR XL doo, TERMOGLAS doo, DAMFIS ŠPED doo, INPROZ INSTITUT doo, BABILON doo, NAHLA UG, Igrači RK Sloboda, SUMAN doo, IN MOTION doo

### Prijatelji - Preduzeća, donacije do 200 KM

CONEX AM doo, MI-BOSPO doo, JOFATEKS BH doo, TAHО SAAM doo, PLAVA MEDICAL GROUP pzu doo, HADŽIEFENDIĆ stomatološka

## DONATORI – POJEDINCI

### Klub filantropa (donacije preko 1.000 KM)

Hans Karl, Edis Husić, Amin Hadžić, Venhar Džemaili, Samir Bećirović, Muhamed Čustić, Danis Šabović, Melča Džananović

### Zlatni donator (donacije do 1.000 KM)

Senad Hasanović, Rašema Bašić, Mirza Salkić, Zlatan Šahović, Ivana Avramović, Safet Alić, Emir Saković, Slaven Ostojić, Kerim Hajro, Muhamed Turalić, Damir Hećimović, Andelko Aco Milošević, Elmedin Kikanović, Denis Husić, Dragan Bajić, Nedim Hadžiefendić, Draško Aćimović, Sead Grebović, Edin Šabanović

Maja Vodopija, Nedim Mehanović, Sanela Šehić, Nihada Delibegović Džanić, Enver Klebić, Mirsad Maglić, Fikret Bećirbašić, Nermin Krdžalić, Amila Beširović, Sadif Gagulić, Fuad Šehić, Suvad Zahirović, Alma Hukić-Muminović, Ekrem Softić, Adisa Čeljo, Eldin Hasanović, Alma Smajlefendić, Nermina Hadžigrahić, Ivan Sović, Asmira Malkočević, Amir Azabagić, Samir Mulaosmanović, Jasmin Mehmedović, Ajša i Ibrahim Mešić, Adem Azapagić, Amela Odobašić, Jasna Zečević, Mirza Jašarević, Amela Pejdah, Mladenka Majerić, Dragan Porobić, Nela Hukić, Adnan Mujkić, Nermin Hodžić, Alma Tihić, Nermin Mujanović, Lejla Bajrami, Asim Bešlija, Lejla Šahbegović, Elma Pašić, Dženana Damadžić, Amar Dževlan, Vedrana Dautović, Admir Čavalić, Vlasta Marković, Samra Tanović, Zlata Odobašić, Amela Fočić, Maida Mulić, Sulejman Omerbašić, Damir Odobašić, Enes Osmanović, Tanja Bijedić, Aleksandra Krstović, Merita Sokoljanin, Đani Hadžović, Vesna Hribar, Mahira Jahić, Dario Hribar, Maida Bektić, Maida Mehmedović, Merita Sokoljanin, Kristina Vilušić, Ševket Ahmetović, S. Spahović, Benjamin Meša, Adrian Negrillo, Tatjana Sekulić, Đorđe, Una i Filip Trninić, Selma Alispahić, Sead Aganović, Miren Alijić, John T. Gray, Martina Tadić, Bojan Iličković, Nina Đežić, Jasna i Mirza Jašarević, Mersija Kovačević, Marija Divković, Dino Duraković, Mirza Mulaosmanović, Aleksandra Marković, Luka Gabrić, Adna Čelik, Djeđla Turković, Semir Salihović, Muamer Obarčanin, Biljana Keroškić, Margaret Sangster, Adnan

Numanović, Adi Hadžibeganović, Senka Bajramović, Emina Kurtalić, Jasna Pekić, Sabina Terzić, Jasminka Šošić, Edina Hodžić, Sanela Babić, Amela Skikić, Emir Kikanović, Nersada Kikanović, Indira Bećarević, Dino Dorić, Admir Demirović, Mersiha Hodžić, Lejla Čamok, Albina Osmić, Verica Mišanović, Alma Hadžiabdić, Alen Ovčina, Armin Mahmutović, Vesna Andrea Zaimović, Munira Ibrahimović, Zoran Pođanin, Nedreta Drapić, Dino Telalović

### Klub prijatelja FTZ (donacije do 50 KM)

Edo Salković, Admir Kurtović, Sanela Avdić, Remzija Bilalović, Selma Džambić, Aida Vežić, John Carr, Muhamed Budimlić, Anes Ajdin, Predrag Babović, Adisa Šabović, Emir Zulejhić, Larisa Mulaosmanović, Nina Avramović Trninić, Amina M., Jasmina Sijerčić, Nihad Grabovica, Edib Drljević, Emir Bašić, Gordana Vujić, Aida Sunje, Antonijo Pejaković, Ermina Pezerović, Jelena Tanasković Mićanović, Nermina Ahmetović, Nadija Mušetović, Igbala Doličanin, Edita Sijerčić, Slavka Avramović, Sabiha Bajrić, Maja Okanović, Amra Memagić, Ella Avramović Scaveta, Emina Bojić, Tatjana Kušljugić, Denis Mujić, Emina Ahmičić, Zumreta Mešalić, Jasmina Stuhli, Larisa Marić, Masha Durkalić, Nisad Višća, Samed Jahić, Vedran Hasandić, Muzejira Plahović, Jasmin Džaferović, Orhan Gagulić, Selma Salihović, Bakir Ganić, Midhat Mujanović, Matija Bisić,

Maja Hadžimehić, Hasiba Saraćević, Mirela Halilović, Almedina Karić Jahić, Alma Šahbaz, Željko Kotolenko, Mirsada Huremović, Seid Osmanović, Eldina Jašarević, Mersiha Džajić, Jasminka Mijatović, Refik Osmanović, Marijana Sabranović, Hamed Jašić, Bernarda Nosse Pranjić, Adiba Bijelić, Miralem Aljukić, Ermin Prašljivić, Sanja Bojanić, Dženadin Veladžić, Jasmin Ihtijarević, Edin Zametica, Armin Škandrić, Mahir Zuka, Nermin Nalić, Lana i Teo Petrović, Dunja Jaliman, Alma Nikontović, Alma Hadžimahović, Nedin Suljević, Mirjana Brkić, Željana Sinanović, Irena Vilić-Hubić, Nermin Mehmedović, Amar Buljubašić, Mirjana Marković, Sunita Bečić, Amela Čiplaković, Mirnes Ademović, Mirnesa Durić, Iris Salihbegović, Amina Mujagić, Aida Rosić, Matea Ilić, Edin Demirović, Mina Mehmedović, Lamija Selmanović, Anja Filipović, Amira Grebović, Sejdulah Purdić, Emina Šarić, Selma Zohrović, Nihad Bajrektarević, Sanel Tufekčić, Almira Alić, Mirza Beganović, Vuk Kovačević, Amar Cvrčković, Semir Hadžić, Jelena Bršadinac, Berina Hrapović, Emir Karahasanović



## **20 godina slavimo filantropiju**

Godišnji izvještaj 2022.

Fondacija tuzlanske zajednice 2022.

Sva prava pridržana

Pozorišna 13., 75 000 Tuzla

Bosna i Hercegovina

Tel: +387 35 362 830

Tel./Fax: +387 35 362 831

E-mail: [fondtz@fondacijatz.org](mailto:fondtz@fondacijatz.org)

Web: [www.fondacijatz.org](http://www.fondacijatz.org)



FONDACIJA  
TUZLANSKE  
ZAJEDNICE

Darujte zajednici, darovali ste sebi!

Pozorišna 13., 75 000 Tuzla

Bosna i Hercegovina

Tel: +387 35 362 830

Tel./Fax: +387 35 362 831

E-mail: [fondtz@fondacijatz.org](mailto:fondtz@fondacijatz.org)

Web: [www.fondacijatz.org](http://www.fondacijatz.org)